

სახელმწიფო შესყიდვის შესახებ
ხელშეკრულება N32060201/05/198

45200000 - მთლიანი ან ნაწილობრივი სამშენებლო სამუშაოები და სამოქალაქო მშენებლობის
სამუშაოები
45261910 - სახურავის შეკეთება
(SMP160003270)

ქ. თბილისი

15 დეკემბერი 2016 წელი

ერთის მხრივ საქართველოს ს.ს.ი.პ. საგანმანათლებლო და სამეცნიერო ინფრასტრუქტურის განვითარების სააგენტო (შემდგომში – შემსყიდველი), სააგენტოს დირექტორის მოვალეობის შემსრულებლის თეიმურაზ მაჩაიძის სახით და მეორეს მხრივ შ.პ.ს. „სვირი +“ წარმოდგენილი დირექტორის ბექა ჭულუხაძის სახით (შემდგომში „მიწოდებელი“) ვხელმძღვანელობთ რა „სახელმწიფო შესყიდვების შესახებ“ საქართველოს კანონის მე-10 მუხლის მე-3 პუნქტის „ბ“ ქვეპუნქტის, სახელმწიფო შესყიდვების სააგენტოს 2016 წლის 13 დეკემბრის N3513 განგარგულების, სამშენებლო-საპროექტო სამსახურის 2016 წლის 07 დეკემბრის N1461125 სამსახურებრივი ბარათის და ფინანსური რესურსების მართვისა და დაგეგმვის სამსახურის ბაზრის კვლევის სპეციალისტის 2016 წლის 09 დეკემბრის N147666 სამსახურებრივი ბარათის საფუძველზე ვდებთ წინამდებარე ხელშეკრულებას შემდეგზე:

მუხლი I. ხელშეკრულების საგანი და ობიექტი

- 1.1. ხელშეკრულების საგანია სსიპ ქალაქ ქუთაისის N15 საჯარო სკოლის შენობის ძლიერ ქარის შედეგად დაზიანებული სახურავის მოწყობის სამუშაოების სახელმწიფო შესყიდვა გამარტივებული შესყიდვის საშუალებით.
- 1.2. შესყიდვის ობიექტის მოცულობისა და ღირებულების დეტალური აღწერა თან ერთვის ხელშეკრულებას და წარმოადგენს მის განუყოფელ ნაწილს;

მუხლი II. ხელშეკრულების საერთო ღირებულება

- 2.1. შესყიდვის ობიექტის ფასი განისაზღვრა ლარებში.
- 2.2. შესყიდვის ობიექტის საერთო ღირებულებაა: 6 772.67 (ექვსი ათას შვიდასსამოცდათორმეტი ლარი და სამოცდაშვიდი თეთრი) ლარი, დღგ-ს ჩათვლით.

მუხლი III. შესყიდვის ობიექტის ხარისხი

- 3.1. მიმწოდებელი იღებს ვალდებულებას, რომ შესრულებული სამუშაოების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 3.2. შესასრულებელი სამუშაოების ხარისხი უნდა შეესაბამებოდეს საქართველოში მოქმედ სტანდარტებს და ტექნიკურ ნორმებს.

მუხლი IV. შესყიდვის ობიექტის მიწოდების ვადა და ადგილი

- 4.1. შესყიდვის ობიექტის მიწოდების ვადად განისაზღვრულია ხელშეკრულების გაფორმებიდან 10 კალენდარული დღე, 2016 წლის 24 დეკემბრის ჩათვლით;
- 4.2. შესყიდვის ობიექტის მიწოდების ადგილია შესაბამისი საჯარო სკოლები;

მუხლი V. თანმდევი მომსახურება

- 5.1. მიმწოდებელმა სამუშაოს დასრულების შემდეგ, თავისი ძალებითა და სახსრებით უნდა გაათავისუფლოს სამუშაო ადგილი მოწყობილობა-დანადგარებისაგან, მასალებისაგან, ასევე სარეაბილიტაციო ნარჩენებისაგან.

5.2 მიმწოდებელი ვალდებულია სახურავის გადახურვის სამუშაოების წარმოებისას უზრუნველყოს ნალექის შედეგად შესაძლო დაზიანებების პრევენცია. ხოლო გაუფრთხილებლობის შედეგად ზიანის დადგომის შემთხვევაში იგი ვალდებულია, სრულად აანაზღაუროს შესაბამისი ზარალი.

მუხლი VI. შესყიდვის ობიექტის მიღება-ჩაბარება

6.1 შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ სამუშაოს შესრულების აქტის (ფორმა N2, ფორმა N3) წარმოდგენისა და გაფორმების შემდეგ.

6.2 საბოლოო სამუშაოს შესრულებამდე მიმწოდებელი უფლებამოსილია შემსყიდველს ეტაპობრივად წარუდგინოს სამუშაოს შესრულების აქტი (ფორმა N2, ფორმა N3), რომლის საფუძველზეც განხორციელდება ანაზღაურება.

6.3 შემსყიდველის მხრიდან სამუშაოს შესრულების აქტზე (ფორმა N2, ფორმა N3) ხელმოწერის უფლება მიეცეს შემსყიდველის უფლებამოსილ წარმომადგენელს: სამშენებლო-საპროექტო სამსახურის უფროსს მერაბ ჭონიაშვილს, სამშენებლო-საპროექტო სამსახურის უფროსის მოადგილეს დავით სუთიძეს, სამშენებლო-საპროექტო სამსახურის მენეჯერებს შოთა კაკაბაძეს, იონა შერაზადაშვილი და სააგენტოს დირექტორის მიერ განსაზღვრულ ტექნიკურ ზედამხედველს.

6.4 შესყიდვის ობიექტის (მისი ნაწილის, ეტაპის) მიღების და ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი. ხარვეზების გამოვლენის შემთხვევაში, მიმწოდებელი ვალდებულია არაუგვიანეს ხუთ კალენდარულ დღეში აღმოფხვრას ხარვეზები, რა პერიოდშიც იგი ყოველ ვადაგადაცილებულ დღეზე იხდის პირგასამტეხლოს ხელშეკრულების 10.3 პუნქტით დადგენილი პირობის შესაბამისად;

6.5 შემსყიდველი ვალდებულია ოპერატიულად წერილობითი სახით აცნობოს მიმწოდებელს საბოლოო შემოწმების შედეგები დაწუნებული მომსახურების (ეტაპის) და წუნდების მიზეზის მითითებით.

6.6 ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირს წარმოადგენს შემსყიდველისა და მიმწოდებლის მიერ შესაბამისი უფლებამოსილებით აღჭურვილი პირი.

6.7 მიმწოდებელი ვალდებულია ხელშეკრულების გაფორმებიდან 5 (ხუთი) სამუშაო დღის ვადაში წარუდგინოს ხელშეკრულებით განსაზღვრულ ინსპექტირებს ჯგუფს სამუშაოების წარმოების გეგმა-გრაფიკი. იმ შემთხვევაში მიმწოდებელი არ წარმოადგენს გეგმა-გრაფიკს განსაზღვრულ ვადაში დაუსაბუთებლად, შემსყიდველი უფლებამოსილია შეწყვიტოს ხელშეკრულება, რა შემთხვევაშიც მიმწოდებელი ხელშეკრულების არაჯეროვანი შესრულებისათვის დაჯარიმდება ხელშეკრულების საერთო თანხის 10%-ის ოდენობით.

6.8 იმ შემთხვევაში თუ ხარჯთაღრიცხვაში საქონლის, მომსახურების ან სამუშაოს ტექნიკური და ხარისხობრივი მაჩვენებლების აღწერისას გამოყენებული იქნება სასაქონლო ნიშანი, მოდელი, პატენტი ან მწარმოებელი კომპანია, ასეთ შემთხვევაში აღნიშნული ტერმინები გამოყენებული არის „მსგავსისა“ და „ექვივალენტურის“ მნიშვნელობით და მიმწოდებელი უფლებამოსილია წარმოადგინოს ხარჯთაღრიცხვით/ფასების ცხრილით განსაზღვრული ხარისხის მსგავსი ან ექვივალენტური მახასიათებლების მქონე საქონელი/მომსახურება.

მუხლი VII. ანგარიშსწორება

7.1. შემსყიდველი უფლებამოსილია შესრულებული სამუშაოების ანგარიშსწორება განხორციელოს ერთჯერადად ან ეტაპობრივად შესრულებული სამუშაოების მოცულობების მიხედვით, მხარეთა შორის ფორმა N2-ზე შედგენილი შედარების აქტისა და ფორმა N3 გაფორმებიდან არა უგვიანეს 10 (ათი) სამუშაო დღის განმავლობაში.

7.2. მიღება-ჩაბარების აქტის (ფორმა N2 და N3) გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია. წინააღმდეგ შემთხვევაში, შემსყიდველს უფლება აქვს უარი თქვას ანგარიშსწორებაზე.

7.3 მიმწოდებლის მოთხოვნის შემთხვევაში შესაძლებელია განხორციელდეს წინასწარი საავანსო ანგარიშსწორება ხელშეკრულების ჯამური ღირებულების არაუმეტეს 90%-ის ოდენობით. ავანსის სახით გადახდილი თანხის გაქვითვა მოხდება ეტაპობრივად, ფაქტიურად შესრულებული სამუშაოების ღირებულებიდან შემდეგი პროპორციით: 50%-ი მიმართული იქნება ავანსის სახით გადახდილი თანხის გასაქვითად, ხოლო დარჩენილი 50%-ი დაექვემდებარება ანაზღაურებას. საავანსო ანგარიშსწორების მოთხოვნის შემთხვევაში წარმოდგენილი უნდა იქნას მხოლოდ საბანკო დაწესებულების მიერ გაცემული საბანკო გარანტია. გარანტიის მოქმედების ვადა 30 დღით უნდა აღემატებოდეს ხელშეკრულების მოქმედების ვადას. საავანსო გადახდის გარანტია წარმოდგენილი უნდა იქნას ეროვნულ ვალუტაში-ლარში. უცხოური ბანკებიდან საბანკო გარანტიის წმოდგენის შემთხვევაში მათთან ერთად მიმწოდებელმა უნდა წარმოადგინოს ზემოაღნიშნული საბანკო გარანტიის საფუძველზე საქართველოში აკრედიტირებული საბანკო დაწესებულების მიერ გაცემული „კონტრ გარანტია“ (ლარში). საბანკო გარანტია და მასთან დაკავშირებული დოკუმენტაცია წარმოდგენილი უნდა იქნას ქართულ ენაზე (დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი).

7.4. სახელშეკრულებო თანხის 5%-ის ანგარიშსწორება განხორციელდება წინამდებარე ხელშეკრულებით გათვალისწინებულ სამუშაოებზე სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტირებული პირის მიერ გაცემული დასკვნის წარმოდგენის შემდგომ. დასკვნის წარმოდგენის ვალდებულება ეკისრება შემსყიდველს. საექსპერტო მომსახურების ღირებულებას ანაზღაურებს შემსყიდველი, მაგრამ არაუმეტეს საქართველოს მთავრობის 2012 წლის 8 მაისის N171 დადგენილების დანართი N1-ის 137-ე პუნქტით დადგენილი ტარიფის ზღვრული ოდენობისა. საექსპერტო კვლევის საფასურს შესრულებულ სამუშაოთა მოცულობა, ფასი და ხარისხი. საბოლოო ანგარიშსწორება განხორციელდება ამ პუნქტით გათვალისწინებული დოკუმენტაციის გაფორმებიდან 10 სამუშაო დღის ვადაში;

7.5. შესრულებული სამუშაოების ანაზღაურება განხორციელდება უნაღდო ანგარიშსწორებით, ლარებში.

7.6. ანაზღაურების ადგილი ქ.თბილისი.

მუხლი VIII ფასები

8.1 ხელშეკრულებაში დაფიქსირებული ფასების შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამასთან გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტით გაზრდა.

8.2. შესაძლებელია ხელშეკრულების საერთო ღირებულების შემცირება, სათანადო საექსპერტო დასკვნის საფუძველზე;

მუხლი IX. მხარეთა უფლება-მოვალეობები

9.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

9.2 შემსყიდველი ვალდებულია:

- 9.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- 9.2.2. ხელშეკრულებით გათვალისწინებული სამუშაოების შესრულებისას საქმის კურსში ჩააყენოს მიმწოდებელი ყველა განსაკუთრებული გარემოებების წარმოშობის შესახებ;
- 9.2.3. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესრულებული სამუშაოს ღირებულება.
- 9.2.4. წერილობითი ფორმით დაუყოვნებლივ აცნობოს მიმწოდებელს რაიმე დეფექტის ან ნაკლის აღმოჩენის შესახებ.
- 9.3. შემსყიდველს უფლება აქვს:
- 9.3.1. განახორციელოს კონტროლი და ზედამხედველობა მიმწოდებლის მიერ ხელშეკრულებების პირობების დაცვაზე;
- 9.3.2. ხელი მოაწეროს სამუშაოების მიღება-ჩაბარების (შესრულების) აქტს;
- 9.3.3. უარი თქვას შესრულებული სამუშაოს მიღებაზე, თუ იგი არ შეესაბამება დადგენილ სტანდარტებს;
- 9.4. მიმწოდებელი ვალდებულია:
- 9.4.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- 9.4.2. სამუშაოების შესასრულებლად აუცილებელი მასალები, აღჭურვილობა და მექანიზმების მოწოდება უზრუნველყოფილი უნდა იქნას მიმწოდებლის მიერ საკუთარი შესაძლებლობებით და რესურსებით და მიმწოდებელი პასუხისმგებელი უნდა იყოს აღნიშნული მასალების, აღჭურვილობის და მექანიზმების უსაფრთხოებაზე. ხსენებული მასალების დაკარგვის ან გაუმართაობის შედეგად გამოწვეული რისკი ეკისრება მიმწოდებელს.
- 9.4.3. მიმწოდებელმა სამუშაოების განხორციელების განმავლობაში მათ მიღებაზე საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.
- 9.4.4. მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები სამუშაო ზონაში ხანძრის გაჩენის და აფეთქების თავიდან ასაცილებლად.
- 9.4.5. ნებისმიერ დროს, წინასწარი შეტყობინების გარეშე დაუშვას შემსყიდველი და მისი წარმომადგენლები სამუშაო ობიექტზე.
- 9.4.6. სამუშაოების დასრულების შემდეგ, შესრულებული სამუშაოს ნორმალური ექსპლოატაციის პირობებში მიმწოდებელი იძლევა გარანტიას, რომლის პირობებშიც მოცემულია ხელშეკრულების შესაბამის დანართში. საგარანტიო პერიოდში რაიმე წესის (ნაკლოვანებები, დეფექტები) აღმოჩენის შემთხვევაში, თუ დადგინდა რომ აღნიშნული წესი (ნაკლოვანებები, დეფექტი) გამოწვეულია შემსრულებლის მიზეზით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით. საგარანტიო პირობებები ვრცელდება მხოლოდ იმ სამუშაოებზე, რომელიც შესრულებულია მიმწოდებლის მიერ, ხერლშეკრულებაზე თანდართული ხარჯთაღრიხვის შესაბამისად.
- 9.5. მიმწოდებელს უფლება აქვს:
- 9.5.1. მოსთხოვოს შემსყიდველს ხელშეკრულებით გათვალისწინებული პირობების შესაბამისად შესრულებული სამუშაოების ღირებულების ანაზღაურება;

მუხლი X. ხელშეკრულების პირობების შეუსრულებლობა, ხელშეკრულების შეწყვეტა

- 10.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან

არაჯეროვანი შესრულებისათვის ხელშეკრულებითა და საქართველოს კანონმდებლობით დადგენილი წესით;

10.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების ამ მუხლში.

10.3. შესყიდვის ობიექტის საბოლოო მიწოდების ვადის დარღვევის შემთხვევაში მიმწოდებელს ყოველვადაგადაცილებულ დღეზე დაეკისრება პირგასამტეხლოს გადახდა შეუსრულებელი ვალდებულების შესაბამისი ღირებულების 0.2%-ის ოდენობით;

10.4 მხარეთა მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია მიიღოს გადაწყვეტილება ხელშეკრულების ცალმხრივად შეწყვეტის შესახებ.

10.5 ხელშეკრულების დამდები მხარე, რომელიც მიიღებს ხელშეკრულების შეწყვეტის გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი;

10.6 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

10.7 შემსყიდველი უფლებამოსილია მიიღოს გადაწყვეტილება ხელშეკრულების ცალმხრივად შეწყვეტის შესახებ მათ შორის შემდეგ შემთხვევებში:

ა) მიმწოდებლის მიერ სამუშაოს მიწოდების საბოლოო ვადის 20 (ოცი) კალენდარულ დღეზე მეტი ვადით გადაცილების შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში;

10.8 ხელშეკრულების შეწყვეტის შესახებ გადაწყვეტილების მიღების შემთხვევაში მიმწოდებელი ჯარიმდება ხელშეკრულების ჯამური ღირებულების 10%-ის ოდენობით;

10.9. თუ შემსყიდველი დარწმუნდება, რომ მიმწოდებლის მიზეზით შეუძლებელია შესასრულებელი სამუშაოს მოცულობის დასრულება ხელშეკრულებით განსაზღვრული ვადების ამოწურვამდე, იგი უფლებამოსილია ცალმხრივად, ვადაზე ადრე, შეწყვიტოს ხელშეკრულება და მიმწოდებელი დააჯარიმოს ხელშეკრულების ღირებულების 10%-ის ოდენობით.

10.10. თუ კი შემსყიდველი ხელშეკრულების 7.1 მუხლით გათვალისწინებული მოთხოვნების დაცვის შემთხვევაში, ამავე მუხლით მითითებულ ვადაში, ვერ უზრუნველყოფს ანგარიშსწორებას, მიმწოდებელი უფლებამოსილია წერილობით მიმართოს შემსყიდველს ხელშეკრულებით გათვალისწინებული სამუშაოს გემა-გრაფიკის გადახედვის თაობაზე.

10.11 ამ მუხლის 10.7 პუნქტში მითითებული რომელიმე გარემოებით ხელშეკრულების შეწყვეტის შემთხვევაში შემსყიდველი ვალდებულია აუნაზღაუროს მიმწოდებელს ფაქტიურად გაწეული სამუშაოს ღირებულება;

მუხლი XI. ხელშეკრულების მოქმედების ვადა

ხელშეკრულება ძალაში შედის მხარეთა მიერ მისი ხელმოწერის თარიღიდან და ძალაშია 2017 წლის 24 თებერვლის ჩათვლით.

მუხლი XII. ხელშეკრულების პირობების გადასინჯვა

12.1 სამუშაოების შესრულების ვადის ცვლილების უფლება მიმწოდებელს შეიძლება მიეცეს შემსყიდველის თანხმობით, „ფორს-მაჟორული“ სიტუაციების ან სხვა ობიექტური მიზეზების შემთხვევაში;

მუხლი XIII დავები და მათი გადაწყვეტის წესი

13.1. ხელშეკრულების შესრულების პროცესში მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

მუხლი XIV გაუთვალისწინებელი გარემოებები („ფორს-მაჟორი“)

14.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

14.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემზარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

მუხლი XV. ხელშეკრულების ინსპექტირების პირობები

15.1 შემსყიდველი უფლებამოსილია სამუშაოების შესრულების პარალელურად მოახდინოს სამუშაოების შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

15.2 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული სამუშაოების ნაწილის და წუნდების მიზეზების მითითებით.

15.3 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

15.6. ხელშეკრულების ინსპექტირებას შემსყიდველის მხრიდან განახორციელებს წინამდებარე ხელშეკრულების მე-6 მუხლის 6.3 პუნქტში აღნიშნული პირები.

XVI. ხელშეკრულების შესრულების გარანტია

16.1. ხელშეკრულების შესრულების უზრუნველყოფის გარანტია არ გამოიყენება;

მუხლი XVI. სხვა პირობები

17.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

17.2. მიმწოდებელს არა აქვს უფლება გადასცეს მესამე პირს თავისი უფლებები და მოვალეობები შემსყიდველის წერილობითი თანხმობის გარეშე.

17.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

17.4. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

მუხლი XVIII. მხარეთა იურიდიული მისამართები და რეკვიზიტები

შემსყიდველი:

სსიპ „საგანმანათლებლო და სამეცნიერო ინფრასტრუქტურის განვითარების სააგენტო“, მისამართი: ქ. თბილისი, ალექსიძის ქ. N1, შენობა-ნაგებობა N1, მე-2 სართული, ს/კ 202294980; სახელმწიფო ხაზინა, ა/ა 200122900, კოდი: 220101222

დირექტორის მოვალეობის შემსრულებელი დეიმურაზ მაჩაიძე

(ხელმოწერა)



მიმწოდებელი:

შ.პ.ს. „სვირი +“, მისამართი: ქ. ქუთაისი, ს. კლდიაშვილის ქ. N54, ს/კ 212916932, სს „პროკრედიტ ბანკი“, ბანკის კოდი: MIBGGE22, ა/აGE08PC0013600100034797; ტ: 599 17 07 14
დირექტორი ბექა ჭულუხაძე

(ხელმოწერა)



დანართი

ინფორმაცია შესრულებული სამუშაოების საგარანტიო ვადების თაობაზე


1. სახურავი - 15 წელი (ასეთის არსებობის შემთხვევაში);
2. კარ-ფანჯრები - 10 წელი (ასეთის არსებობის შემთხვევაში);
3. გამაგრება-გამლიერების სამუშაოები - 15 წელი (ასეთის არსებობის შემთხვევაში);
4. შენობის შიდა მოპირკეთება - 5 წელი (ასეთის არსებობის შემთხვევაში);
5. ფასადის და სარინელის სამუშაოები - 5 წელი (ასეთის არსებობის შემთხვევაში);
6. სამღებრო სამუშაოები - 3 წელი (ასეთის არსებობის შემთხვევაში);
7. სანტექნიკა და ელექტრობა - 5 წელი (ასეთის არსებობის შემთხვევაში);
8. გათბობის სისტემა - 5 წელი (ასეთის არსებობის შემთხვევაში);
9. საქვებზე მეურნეობის აგრეგატები - 5 წელი (ასეთის არსებობის შემთხვევაში);
10. იატაკი - 15 წელი (ასეთის არსებობის შემთხვევაში);
11. კონსტრუქციები - 70 წელი (ასეთის არსებობის შემთხვევაში);
12. წყალსადენისა და კანალიზაციის გარე ქსელი - 20 წელი (ასეთის არსებობის შემთხვევაში);
13. ღობე - 25 წელი (ასეთის არსებობის შემთხვევაში);
14. დროებით შენობა-ნაგებობები - 25 წელი (ასეთის არსებობის შემთხვევაში);
15. სხვა დანარჩენი - 1 წელი (ასეთის არსებობის შემთხვევაში);
16. ამწე მოწყობილობა - 2 წელი (ასეთის არსებობის შემთხვევაში);

საგარანტიო ვადის განმავლობაში შ.პ.ს „სვირი +“ ვალდებულია საკუთარი ხარჯებით უზრუნველყოს გამოვლენილი დეფექტის/ნაკლის აღმოფხვრა, შეკეთება ან შეცვლა.

მიმწოდებელი:

შ.პ.ს. „სვირი +“, მისამართი: ქ. ქუთაისი, ს. კლდიაშვილის ქ. N54, ს/კ 212916932, ს.ს. „პროკრედიტ ბანკი“, ბანკის კოდი: MIBGGE22, ა/აGE08PC0013600100034797; ტ: 599 17 07 14
დირექტორი ბექა ჭულუხაძე

(ხელმოწერა)



საგანმანათლებლო და სამეცნიერო ინფრასტრუქტურის განვითარების სააგენტო

ობიექტის დასახელება: ქუთაისის №15 საჯარო სკოლა

შენიშვნის მოწყობის სამუშაოები

საფუძველი: დეფექტური აქტი


სახარჯთაღრიცხვო ღირებულება 6,772.67

მათ შორის ხელფასი -

№	შიფრი, ნორმირებული კოდები	ს ა მ უ შ ა ო თ ა დასახელება	განზ.	სულ	მასალა		ხელფასი		სამშენებლო მექანიზმები		ჯამი
					ერთ. ფასი	სულ	ერთ. ფასი	სულ	ერთ. ფასი	სულ	
1	2	3	4	5	6	7	8	9	10	11	12
		I. სამშენებლო სამუშაოები									
		სასურავი									
1		სასურავის მოწყობა 2 ფენა ლინოკრომით	კვ.მ.	320.00	9.00	2,880.00	5.00	1,600.00		-	4,480.00
		ჯამი				2,880.00		1,600.00		-	4,480.00
		ზედნადები ხარჯები	10.00%								448.00
		ჯამი									4,928.00
		მოგება	8.00%								394.24
		ჯამი 1									5,322.24
		მასალების ტრანსპორტი	5.00%								144.00
		ჯამი									5,466.24
		გაუთვალისწინებელი ხარჯები	5.00%								273.31
		ჯამი									5,739.55
		დღგ	18.00%								1,033.12
		ჯამი									6,772.67

შპს სვირთ"-ის დირექტორი:

ბ. ჭულუხაძე





სახელმწიფო შესყიდვების
სააგენტოს თავმჯდომარის
გ ა ნ კ ა რ გ უ ლ ე ბ ა



KA08010681398816

3513

13 / დეკემბერი / 2016

სსიპ „საგანმანათლებლო და სამეცნიერო ინფრასტრუქტურის განვითარების
სააგენტოსათვის“ სახელმწიფო შესყიდვის გამარტივებული შესყიდვით
განხორციელების შესახებ თანხმობის გაცემის თაობაზე

აღწერილობითი ნაწილი

1. ინფორმაცია მომართვის თაობაზე

სახელმწიფო შესყიდვების სააგენტოში 2016 წლის 9 დეკემბერს სახელმწიფო შესყიდვების ერთიანი ელექტრონული სისტემის SMP მოდულის მეშვეობით წარმოდგენილ იქნა სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ SMP160003270 მომართვა გადაუდებელი აუცილებლობის საფუძველით გამარტივებული შესყიდვის განხორციელებაზე თანხმობის გაცემის შესახებ.

2. შესყიდვის ობიექტი

მომართვის მიხედვით, შემსყიდველი ორგანიზაცია გეგმავს ქალაქ ქუთაისის № 15 საჯარო სკოლის შენობის დაზიანებული სახურავების შეკეთების სამუშაოების შესყიდვას (CPV- 45200000 - მთლიანი ან ნაწილობრივი საშენებლო სამუშაოები და სამოქალაქო მშენებლობის სამუშაოები).

3. შემსყიდველი ორგანიზაციის დასაბუთება

შემსყიდველი ორგანიზაციის განმარტებით, 2016 წლის 21 ნოემბერს, ძლიერი ქარის შედეგად დაზიანდა ქალაქ ქუთაისის № 15 საჯარო სკოლის შენობის სახურავი. ვინაიდან, ზამთრის სეზონიდან გამომდინარე დიდია ნალექის მოსვლის ალბათობა, არსებობს შენობაში წყლის ჩასვლის რისკი, რაც საფრთხეს შეუქმნის სასწავლო პროცესის შეუფერხებლად ჩატარებას. ასევე, არსებობს საშიშროება იმისა, რომ დაზიანდეს შენობაში განთავსებული მატერიალურ-ტექნიკური ფასეულობები.

შემსყიდველი ორგანიზაციისგე განმარტებით, ძლიერი ქარის შედეგად გამოწვეული დაზიანებების შესახებ ინფორმაციის მიღებისთანავე სააგენტოს საშენებლო-საპროექტო სამსახურის სპეციალისტები მივლინებულ იქნენ შესაბამის სკოლაში, რათა ადგილზე მომხდარიყო არსებული სიტუაციის შესწავლა და გადაუდებლად შესასრულებელი სამუშაოების მოცულობის დადგენა.

ამასთან, აღსანიშნავია ის ფაქტი, რომ აღნიშნული სახურავის რეაბილიტაცია განხორციელდა 2015 წელს შპს „ს. ვან“-ის მიერ. კომპანიასთან გაფორმებული ხელშეკრულებისა და სატენდერო დოკუმენტაციის მოთხოვნებისა და

აღებული ვალდებულებების შესაბამისად, ის არის პასუხისმგებელი განახორციელოს სახურავის მოწყობის სამუშაოები, მაგრამ მათ უარი განაცხადეს შეკეთებაზე იმ მოტივით, რომ სახურავი დაზიანდა ძლიერი ქარი დროს.

4. დაინტერესებული პირ(ებ)ის მოსაზრება

საკითხთან დაკავშირებით დაინტერესებულ პირებს სისტემის SMP მოდულში მოსაზრება არ გამოუხატავთ.

სამოტივაციო ნაწილი

5. შემაჯამებელი დასკვნა

სააგენტომ იმსჯელა შემსყიდველი ორგანიზაციის მომართვაზე. შეაფასა მასში მითითებული ინფორმაცია და დაადგინა, რომ იგი აკმაყოფილებს სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმებისა და გამარტივებული შესყიდვის ჩატარების წესის“ მოთხოვნებს.

6. სააგენტოს შეფასება

სააგენტო მიიჩნევს, რომ სახეზეა გადაუდებელი აუცილებლობით შესყიდვის განხორციელების საჭიროება, იმდენად, რამდენადაც, შემსყიდველი ორგანიზაციის განმარტებით, 2016 წლის 21 ნოემბერს, ძლიერი ქარის შედეგად დაზიანდა ქალაქ ქუთაისის №15 საჯარო სკოლის შენობის სახურავი. ვინაიდან, ზამთრის სეზონიდან გამომდინარე დიდია ნალექის მოსვლის ალბათობა, არსებობს შენობაში წყლის ჩასვლის რისკი, რაც საფრთხეს შეუქმნის სასწავლო პროცესის შეუფერხებლად ჩატარებას. ასევე, არსებობს საშიშროება იმისა, რომ დაზიანდეს შენობაში განთავსებული მატერიალურ-ტექნიკური ფასეულობები. შესაბამისად, იმისათვის, რომ სკოლის სახურავის სარეაბილიტაციო სამუშაოები ჩატარდეს დროულად, სააგენტო მიზანშეწონილად მიიჩნევს მომართვაში აღწერილი შესყიდვა განხორციელდეს გადაუდებელი აუცილებლობის საფუძველით.

სააგენტო მოუწოდებს შემსყიდველ ორგანიზაციას, რომ მან სახელმწიფო შესყიდვები განახორციელოს „სახელმწიფო შესყიდვების შესახებ“ საქართველოს კანონის მოთხოვნათა განუხრელი დაცვით, რათა უზრუნველყოფილ იქნას შესყიდვებისათვის განკუთვნილი ფულადი სახსრების რაციონალური და გამჭვირვალე ხარჯვა, კონკურენტული და არადისკრიმინაციული გარემოს შექმნით.

სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმებისა და გამარტივებული შესყიდვის ჩატარების წესის“ მე-7 მუხლის პირველი და მე-6 პუნქტებით და დაადგინა:

1. დაკმაყოფილდეს სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ SMP160003270 მომართვა და შემსყიდველ ორგანიზაციას მიეცეს თანხმობა გამარტივებული შესყიდვის განხორციელებაზე.
2. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დ. აღმაშენებლის ხეივანი მე-12 კმ №6), კანონმდებლობით დადგენილი წესით.

თავმჯდომარის მოვალეობის შემსრულებელი

ზაზა ნანობაშვილი



MES 6 16 01461125

07/12/2016

საგანმანათლებლო და სამეცნიერო ინფრასტრუქტურის
განვითარების სააგენტოს დირექტორის მოვალეობის შემსრულებელს
ბატონ გიორგი შალუტაშვილს

სამსახურებრივი ბარათი

ბატონო გიორგი,

მოგახსენებთ, რომ მიმდინარე წლის 21 ნოემბერს ძლიერი ქარის შედეგად დაზიანდა ქუთაისის N15, წყალტუბოს მუნიციპალიტეტის სოფლების: რიონის, ფარცხანაყანევის N1 და N3 საჯარო სკოლების შენობების სახურავები.

აქვე გაცნობებთ, რომ სააგენტოს მიერ 2014-2015 წლებში განხორციელდა ზემოაღნიშნული საჯარო სკოლების სარეაბილიტაციო სამუშაოები. სამშენებლო კომპანიებთან გაფორმებული ხელშეკრულებების საფუძველზე, კომპანიებს საგარანტიო ვადებში ეკისრებათ დაზიანებებისა და ხარვეზების აღმოფხვრა, რის თაობაზეც წერილობით ეცნობათ სამშენებლო კომპანიებს, თუმცა, მათი მხრიდან დღემდე რეაგირება არ მომხდარა.

სასწავლო პროცესის უფერხებლად წარმართვის, სკოლების შენობების კიდევ უფრო მეტად დაზიანების თავიდან აცილების, ასევე, კონტიგენტის უსაფრთხოების დაცვის მიზნით, სარეაბილიტაციო სამუშაოების ოპტიმალურ დროში შესასრულებლად, მიზანშეწონილად მიგვაჩნია სარეაბილიტაციო სამუშაოები ზემოაღნიშნულ საჯარო სკოლებში განხორციელდეს გადაუდებლად.

შესასრულებელი სამუშაოების ღირებულებაა:

1. წყალტუბოს მუნიციპალიტეტის სოფელ რიონის საჯარო სკოლა -2 808.72 ლარი (შესრულების ვადა 7 კალენდარული დღე);
2. ქალაქ ქუთაისის N15 საჯარო სკოლა - 6 913.77ლარი (შესრულების ვადა 10 კალენდარული დღე);
3. წყალტუბოს მუნიციპალიტეტის სოფელ ფარცხანაყანევის N1 საჯარო სკოლა -2445 ლარი (შესრულების ვადა 14 კალენდარული დღე);
4. წყალტუბოს მუნიციპალიტეტის სოფელ ფარცხანაყანევის N3 საჯარო სკოლა- 4395.49 ლარი (შესრულების ვადა 10 კალენდარული დღე).

გთხოვთ, დაავალოთ შესაბამის სამსახურს სათანადო ღონისძიებების გატარება.

პატივისცემით,

სსიპ-საგანმანათლებლო და სამეცნიერო
ინფრასტრუქტურის განვითარების სააგენტო /
სამშენებლო-საპროექტო სამსახური
სამსახურის უფროსი
მერაბ ჭონიაშვილი

მ. ჭონიაშვილი



სსიპ - საგანმანათლებლო და სამეცნიერო
ინფრასტრუქტურის განვითარების სააგენტო



MES 5 16 01476966

09/12/2016

სსიპ საგანმანათლებლო და სამეცნიერო ინფრასტრუქტურის
განვითარების სააგენტოს
დირექტორის მოვალეობის შემსრულებელს
ბატონ გიორგი შალუტაშვილს

ბატონო გიორგი,

მოგახსენებთ, რომ 2016 წლის 07 დეკემბრის N 1461125 სამსახურებრივ ბარათთან დაკავშირებით ჩატარდა ფასთა კვლევა, ძლიერი ქარის შედეგად დაზიანებული წყალტუმბოს მუნიციპალიტეტის სოფელ რიონისა და ქალაქ ქუთაისის №15 საჯარო სკოლების შენობების სახურავების რეაბილიტაციასთან დაკავშირებით.

მოთხოვნა გადაეგზავნა შემდეგ კომპანიებს:

შპს :ნ.მ. 2007"

ჯემალ ირემაძე

შპს მეფური

შპს კა-ემ-სი

შპს ჰორიზონტი

კოწიწაშვილი და

კომპანია

შპს TU-KA

შპს ნიუ ბილდინგი

შპს კომპანიონი

შპს მალუ 22

შპს ქართლი

შპს არადელი

შპს მ.გ.მ.

გროსო

ამაგი

შპს ლიბო

შპს მარდი

შპს გურჯი

დიასი 2007

კაბადოკია

შპს ალგო 2000

შპს იო-სება

სსიპ - საგანმანათლებლო და სამეცნიერო ინფრასტრუქტურის განვითარების სააგენტო
თბილისი 0160, მერაბ ალექსიძის ქ. №1, შენობა-ნაგებობა №1, სართული 2
ცხელი ხაზი, ტელ/ Tel.:(+995)220 0 220 2023;

www.esida.ge E-mail: info@esida.ge

შპს დავითი
შპს უნი-ჯგუფი
შპს „ტრანსმშენი“
შპს სვირი +

დადგენილ ვადაში შემოთავაზება წარმოადგინა მხოლოდ შპს „სვირი“-მა, რომელიც აღნიშულ სამუშაოებს შეასრულებს ქვემოთ მითითებულ ღირებულებაში:

წყალტუბოს მუნიციპალიტეტის სოფელ რიონის საჯარო სკოლა	2,751.40
ქალაქ ქუთაისის №15 საჯარო სკოლა	6,772.67

გაგზავნილი კორესპონდენცია და მიღებული ხარჯთაღრიცხვა იხილეთ დანართის სახით.
დანართი: 4 (ოთხი) ფაილი.

გთხოვთ, თქვენს გადაწყვეტილებას.

პატივისცემით,

სსიპ-საგანმანათლებლო და სამეცნიერო
ინფრასტრუქტურის განვითარების სააგენტო /
ფინანსური რესურსების მართვისა და დაგეგმვის
სამსახური
სპეციალისტი
თათა კვანტალიანი